

تشریحی جریده

قانونلر :

نومروسی : ۴۸۹

مرسین لیماننک انشاسی حقنده قانون
برنجی ماده — ۱۳۴۳ سنه سی نهایته قدر
انشاتی اکیال ایدلک وهرسنه صرفی ایجاب ایدن
مقدار بودجهیه قونولق اوزره مرسینده تأسیسات
و تکملات لازمهینی جامع بر لیمان انشاسی ایچون
سکیز میلیون لیرا تخصیص ایدلمش و بو میاغه
محسوباً تههدات اجرایی ایچون حکومته مأذونیت
اعطا اولونمشدر .

ایکنجی ماده — ۱۳۴۰ سنه سی نافعه
بودجه سنک « مرسین لیمانی کشفیات و انشاتی »
نامیه آجیله ق [۲۶۰ >] فصلنه بو خصوص
ایچون [۲۰۰۰۰۰] لیرا تخصیصات وضع ایدلمشدر .
اوچنجی ماده — بر سنه ظرفنده صرف
اولونه میایان مقدار ایرتسی سنهیه دور اولونور .
دردنجی ماده — بوایشه عائد تخصیصات
قبل التادیه دیوان محاسباتک ویزه سنه تابع دکلدرد .
برسنهیه عائد صرفیاتک ایرتسی سنه نیک تموزی نهایتنه
قدر محسوب معامله سی اکیال ایدیله جکدر .

بشنجی ماده — اشبو قانونک صور تطبیقه سنی
ارائه ایدر بر تعالیماشامه تنظیمنه هیئت وکیله مأذوندرد .
آلتنجی ماده — تاریخ نشرندن اعتباراً
مرعی اولان بو قانونک اجراسنه نافعه و مالیه
وکیلری مأوردرد .

۱۵ رمضان ۱۳۴۲ و ۱۹ نisan ۱۳۴۰

نومروسی : ۴۹۰

وارنه عمومیه قانونی صورتی

برنجی ماده — موازنه عمومیه دولته داخل
بولنان دواژک ۱۳۴۰ سنه سی مصارفی ایچون
اشبو قانونه مربوط (آ) اشارتلی جدولده ارائه
اولدینی اوزره « ۱۴۰۴۳۳۶۹ » لیرا سکسان
غروش تخصیصات اعطا قلنمشدر .

ایکنجی ماده — ۱۳۴۰ سنه سی موازنه
عمومیه مصارفنه قارشولق اولان واردات مربوط
(ب) اشارتلی جدولده محرر اولدینی اوزره
« ۱۲۹۲۱۶۶۱۰ » لیرا تخمین ایدلمشدر .

واردات

اوچنجی ماده — اشبو موازنه عمومیه نیک
واردات قسمتی تشکیل ایدن مربوط (ت) اشارتلی
جدولده انواعی کوستریان کافه تکالیف ورسوم
ایله واردات مختلفه نیک و متفرقه نامی آلتنده

مذکور حاصلاتک ۱۳۴۰ سنه سنده دخی تحصیلنه
دوام اولنه جقدر .

دردنجی ماده اوانی سیم وزردن ضربخانهجه
آلتقدمه اولان اجرت ، رایجه کورمه مالیه وکالتنجه
تنظیم ایدیله جک لیسته موجبنجه استیفا اولنه جقدر .
بشنجی ماده — اداره خصوصیه ولایات
نامنه اولارق تکالیف عمومیه اوزردن ۱۳۴۰
سنه سی طرفنده طرح و تحصیل ایدیله جک اولان
کسورات منضمه ، قوانین موضوعه ایله وضع
اولونانلردن عبارتدر .

آلتنجی ماده — خارجیه وکالتنجه کرک
مرکزده وکرک سفارتخانه و شهیندرخانه ل واسطه سیله
خارجده استیفا ایدلمکده اولان خرج و رسملرک
لدی الایجاب مقابله بالمثل اولوق اوزره تزیدینی
وایجابنده حد اصلیسنه ارجاعنی وکالت مشارالیهانک
اشمارینه بناء تحت قراره آلمغه اجرا وکیلری
هیئت اؤزوندرد .

یدنجی ماده — ۳ نisan ۱۳۳۳ تاریخلی
قانونله موضوع اولوب ۲۸ مارت ۱۳۳۴ تاریخلی
موازنه عمومیه قانونی ایله واردات عمومیه میانه
ادخال اولنان توتون رسم منضمی بر مثلی تزید
اولنش و حرب قارشولق نامیه توتون پاکتلیرنه
بایلان ضمام اولادشها منفعتنه تخصیص اولنمشدر .

سکزنجی ماده — ۱۳۴۰ مارتشدن اعتباراً
کهریت اعمال وادخال و فروختی دولت انحصارنده در .
اشبو انحصار حکومت طرفندن امانه و یا خود حکومتک
مراقبه سی تحتنده افراد و شرکتلر طرفندن و یا خود
شرکت و شرکتلره دور صورتیه اداره اولنور .
انحصار مخالف و قاچاقچیلق ایدنلر قاچاقچیلق حقنده کی
احکامه توفیقاً تجزیه ایدیلیر .

دوقوزنجی ماده — اعشارک اصول جیات
واستیفاسنده تجربه ل اجراسنه مالیه وکیلی مأذوندرد .
اوننجی ماده — تحریر مسققات جاری اولان
پرلرده کی اموال غیر منقوله نیک طابو اداره لرنجه
اجرا اولانه جق معاملات ایچون استیفاسی لازمکن
خرج ورسوم ۲۸ شباط ۲۲۸ تاریخلی قانون
موجبنجه بالحساب بولونه جق قیمتلرنیک اوج مثلی
و ۲ تموز ۱۳۰۲ تاریخلی املاک نظامنامه سی جاری
اولان محلردن ۱۳۳۱ سنه سی نهایتنه قدر تعدیل
کورن و کورمه نین مسققات ایله بو حکمده اولان
عرصه لرنک قیمت مقیده لرنیک درت مثلی و عشره
ویا بدل عشره تابع اراضی و سائر نیک ایکی مثلی
اوزردن آلتیر .

۱۳۳۲ سنه سی ایله سنین متعاقبه ده تعدیل
کورن برلرک قیمتلرنه و قوعولان ضمام حسبیه
تزاید ایدن قیمتلی قیمت مقیده سابقه لرنیک
درت ویا ایکی مثلندن دون ایسه نوعلرنه کوره
اومقداره بالابلاغ خرج ورسوم اونک اوزردن
استیفا اولنور . فقط تاریخ مذکوردن سوکره
مجدداً انشا اولونان مسققاتک املاک نظامنامه سی
موجبنجه تعدیل قومیسبولنرنجه تقدیر اولنان
قیمتلی تزید اولونماز .

اون برنجی ماده — ۳۰ ایلول ۲۲۶ تاریخلی
قانونک ایکنجی ماده سی موجبنجه رسمه تابع
طوتیلان اویون آلتندن اشبو رسم لوحه وضعی
صورتیه استیفا اولنور و بر رسم تمتع قانونک جاری
اولدینی محلرده تطبیق ایدیلیر .

هرسنه مارت آبی ظرفنده وسائط مناسبه ایله
واقع اولاجق اعلان تاریخندن اعتباراً اون بش
گون ظرفنده لوحه لرنک وضعی مجبوری اولوب
بومدنن صکره لوحه سز کوریله جک اولانلر ایکی
قات رسمه تابع طوتیلور . اشبو قانونک موقع
تطبیقه وضعی تاریخنه قدر تمفالات برلمتسزین در دست
اولنان اویون آلتنک رسوم متراکمه سی قانونک
نشرندن اعتباراً برماظرظرفنده تسویه اولنوق شرطیه
جزاری عفو واصحابی حقنده اقامه اولنان دعوالر
ابطال اولنور . ۲۷ تشرین ثانی ۱۲۳۶ تاریخلی
قانون احکامی ایله ۳۰ ایلول ۲۳۶ تاریخلی قانونک
اشبومادهیه مفایر اولان احکامی ملغادر .

اون ایکنجی ماده — دوچار استیلا اولان
محللر ایله هر هانکی سببله نصفندن فضله سی خراب
اولان شهر و قصبه وقراده ۱۳۳۸ سنه سنندن
اعتباراً انشا ایدلمش و ایدیله جک مساکن وچفتلک
اینه سی ۱۳۴۹ سنه سنه قدر ویرکو وضماثمدن
معاقدرد . بو مثللو مبایدن شمدهیه قدر تحصیل
ایدیلن ویرکولر اعاده ایدیلر . ۸ تشرین ثانی ۱۳۳۹
تاریخلی قانونک اون ایکنجی ماده سی ملغادر .

۱۳۰۸ سنه سنده استردادی متعاقب اردو طرفندن
وضعید ایدیلوب تقدیر فیتات خصوصنده نحدث
ایدن اختلافات حسبیه محسوبی تأخر ایدن اعشار
تقاسیطندن ایام گذشته فاضی آرانماز .

اون اوچنجی ماده — یرلی واجبی تنباکو
بایملردن استیفا ایدیلن بیعه رسمی بش مثل
اوله رق تحصیل اولونه جقدر .
اون دردنجی ماده ۱۳۴۰ سنه سی
ظرفنده بانق عنای ایله اولان خزینه حساب

قانون مخصوصه توفیقاً ملت طرفندن منتخب مبعوثلردن متشکدر .

ماده ١٠ — اوز سکوز باشنی اکیال ایدن هراذک تورک مبعوثان انتخابه اشتراک اتمک حقنی جائزدر .

ماده ١١ — اوتوز باشنی اکیال ایدن هر اذک تورک مبعوث انتخاب ایدلک صلاحیتنی جائزدر .

ماده ١٢ — اجنبی خدمت رسمیه سنده بولونانلر ، مجازات تهریه و یاسرقت ، ساخته - کارانی ، دولاندیریمچیلک ، امنیت سوو استعمال ، حیلله افلاس جرملردن بریله محکوم اولانلر ، محجورلر ، تابعیت اجنبیه ادا سنده بولونانلر ، حقوق مدنی دن اسقاط ایدلش اولانلر ، تورکجه او قویوب یازق بیلمه یئر مبعوث انتخاب اولونامازلر .

ماده ١٣ — بویوک ملت مجلسنک انتخابی دوت سنه ده برکزه اجرا اولونور .

مدتی بیتن مبعوثلرک تکرار انتخاب ایدملری جائزدر .

سابق مجلس لاحق مجلسک اجتماعه قدر دوام ایدر .

یکی انتخاباتک اجراسنه امکان کورلیدیکی تقدیرده اجتماع دوره سنک برسنه تمدیدی جائزدر . هر مبعوث یالکیز کندی انتخاب ایدن دائره نیک دکل ، عموم ملتک وکیلیدر .

ماده ١٤ — بویوک ملت مجلسی ، هر سنه تشرین نانی ابتداسنده دعوتسز طولانیر . مجلس اعضاسنک مملکت داخلنده دور ، تدقیق و مراقبه وظیفه لرینک احضاری و تنفس واستراحتلری ایچون سنه ده آلتی آیدن فضلله تعطیل فمالیت ایدمه سز .

ماده ١٥ — قانون تکلیف اتمک حق مجلس اعضاسنه واجرا وکیللری هیئته عاقددر .

ماده ١٦ — مبعوثلر ، مجلسه التحاق ایتدکلرنده شوشکده تحلیف اولونورلر : [وطن وملتک سمادت و سلامته و ملتک بلا قید و شرط حاکمیتنه مفایر بر غایه تعقیب ایتیمه حکمه و جمهوریت اساسلرینه صداقتدن آریلیه جفمه (والله) .

ماده ١٧ — هیچ بر مبعوث مجلس داخلنده کی رأی ومطالعه سندن و بیاناتندن ومجلسده کی رأی ومطالعه سنک و بیاناتنک مجلس خارجنده ایراد و اظهارندن دولایق مسئول دکلددر . کرک انتخابندن اول و کرک صوکره علیه جرم اسناد اولنان بر مبعوثک مظلوناً استجوابی ویا توفیقی ویا خود محاکمه سنک اجراسی هیئت عمومی نیک قرارینه منوطدر . جنائی جرم مشهود بوندن مستثنادر . آنجق بو تقدیرده مقام عاقدی مجلسی ، دزحال خبردار اتمکله مکلفدر . بر مبعوثک انتخابندن اول ویا صوکره علیه صادر اولش جزائی بر حکمک انفاذی مبعوثلق مدتنک ختامنه تعلیق اولنور . مبعوثلق مدتی اثناسنده مرور زمان جریان ایتز .

ماده ١٨ — مبعوثلرک سنوی تخصیصاتلری قانون مخصوص ایله تعیین اولنور .

ماده ١٩ — تعطیل اثناسنده رئیس جمهور

تخصیصات	معاش لیرا	فوق العاده شهریه لیرا
شاعر عبدالحق حامد بک	١٠٠	٥٠
عبدالازل پاشا حفیده لری نایبه و فاطمه خانم	٨	٤
عدلیه ناظر اسبق مرحوم رفیق بکک ایکنجی حریمی مودت خانم	١٥	٧,٥
بحریه یوز باشیلردن مرحوم فتیح بکک پدیری عبدالرحمن افندی	٠	٥
طیاره جی نوری بکک والده سی سحر خانم	١٠	٥
شهیداً وفات ایدن بیکیباشی مختار بک همشیره سی بکناز خانم	١٥	٧,٥
مدحت پاشا کریمه لری فاطمه ممدوحه و مسروره خانم	١٨	٩
غازی عثمان پاشا حریمی فاطمه خانم	٢٥	١٢,٥
باب عالی وقعه سنده شهید ایدیلن حربیه ناظر اسبق ناظم پاشا کریمه سی عطیه خانم	١٨	٩
مرحوم نیازی بک عائله سی	٤٠	٢٠
صدرا سبق مرحوم محمود شوکت پاشا زوجه سی دلشاد خانم	٦٢,٥	٣١,٢٥
اوچنجی اردو قوماندانی اسماعیل حق پاشا والده سی حبیبه خانم	٤	٢٠
اسبق دیار بکر والیسی رشید بک عائله سی	٥	٢٥
شیخ الاسلام خیری افندی مرحوم »	٤	٢٠
شهید یوزباشی یوروک سلیم بک »	٢	١٠
عمر نایب بک مرحوم »	٢	١٠
عراق شیخ المشایخی عجمی پاشا	٥	٢٥
مرحوم محمد علی بک عائله سی	١١	٦
سابق مجلس مبعوثان رئیس مرحوم رشاد حکمت بکک بخدوملری احمد رشاد ، عمر فؤاد	٢	١٠
کوشخانه مبعوثی شهید ضیا بک عائله سی	٢٥	١٢,٥٠
مرعش علوم ریاضیه معلم سابق خیرالله افندی مرحوم عائله سی	١٥	٧,٥٠
اسبق قسطنطنی مبعوثی اسماعیل ماهر افندی عائله سی	٣٠	١٥
حق بهیج بک	٢٥	١٢,٥٠
دکترلی قومیسری حمدی بک عائله سی	٢٠	١٠
مصطفی نجیب بک والده سی و همشیره سی	١٠	٥
صو شهرنده اعدام ایدلش اولان یوزباشی نوری بک عائله سی	١٥	٧,٥
موش متصرفی مرحوم ثروت بک عائله سی	٢٥	١٢,٥
قره مغاره نایبه سی مدیری توفیق بک عائله سی	٢٥	١٢,٥
بحریه ناظر اسبق جمال پاشا عائله سی	٣٠	١٥
صدر اسبق مرحوم طلعت پاشا زوجه سی و بویوک همشیره سی خیره خانم	٤٠	٢٠
دوقتور بهاء الدین شاکر بک عائله سی	٢٥	١٢,٥
طرزون مبعوث سابق شهید عزت بک عائله سی	٢٠	١٠
کوتاهی مبعوث سابق حیدر بک	٢٥	١٢,٥
توفیق سکوتی بک والده و همشیره سی فاطمه زهرا و سنیه خانم	٢٠	١٠
شهید چرخچی یوزباشیسی خلیل ابراهیم افندی عائله سی	٢٥	١٢,٥

١١٣٣,٥٠ ٥٦٦,٧٥

نومرو : ٤٩١

تشکیلات اساسیه قانونی

برنجی فصل — احکام اساسیه

ماده ١ — تورکیه دولتی بر جمهوریتدر .

ماده ٢ — تورکیه دولتنک دینی ، دین اسلامدر ، رسمی دیلی تورکجه در ؛ مقری آتقره شهریدر .

ماده ٣ — حاکمیت ، بلا قید و شرط ملتکدر .

ماده ٤ — تورکیه بویوک ملت مجلسی ، ملتک یکانه و حقیقی ممثلی اولوب ملت نامنه حق حاکمیتی استعمال ایدر .

ماده ٥ — تشریح صلاحیتی واجرا قدرتی بویوک ملت مجلسنده تجلی و تمرکز ایدر .

ماده ٦ — مجلس ، تشریح صلاحیتی بالذات استعمال ایدر .

ماده ٧ — مجلس ، اجرا صلاحیتی ، کندی طرفندن منتخب رئیس جمهور و اونک تعیین ایدمه جکی بر اجرا وکیللری هیئت معرفتیه استعمال ایدر .

مجلس ، حکومتی هر وقت مراقبه واسقاط ایدمه ییلیر .

ماده ٨ — حق قضا ، ملت نامنه ، اصولی وقانونی دائره سنده مستقل محاکم طرفندن استعمال اولونور .

ایکینجی فصل — وظیفه تشریحیه

ماده ٩ — تورکیه بویوک ملت مجلسی

و یا مجلس رئیس لزوم کوریرسه مجلسی اجتمع دعوت ایدیه یله جکی کبی اعضادن بشده بری طرفندن طلب وقوع بولورسه مجلس رئیس دخی مجلسی اجتمع دعوت ایدر .

ماده ۲۰ — مجلس مذاکراتی علنیدر و حرفیاً نشر اولنور .

فقط نظامنامه داخلیده مندرج شرائطه توفیقاً مجلس خفی جلسله دخی عقد ایدیه یلیر و خفی جلسله مذاکراتک نشری مجلسک قرارینه منوطدر .

ماده ۲۱ — مجلس ، مذاکراتی کندی نظامنامه داخلیمی موجبجه اجرا ایدر .

ماده ۲۲ — سؤال واستیضاح و مجلس تحقیقاتی مجلسک جمله صلاحیتندن اولوب شکل تطبیق ، نظامنامه داخلی ایله تعیین اولنور .

ماده ۲۳ — مبعوثل ایله حکومت ، ماموریتی بر ذات عهدهنده اجتماع ایدهنر .

ماده ۲۴ — تورکیه بویوک ملت مجلسی هیئت عمومیسی هر تشرین نانی ابتداسنده برسنه ایچون کنسیدسنه بر رئیس و اوج رئیس و کیلی انتخاب ایدر .

ماده ۲۵ — انتخاب دورهنسک ختامندن اول مجلس عدد مرتبک اکثریت مطلقه سیله انتخابات تجدید اولنورسه یکی اجتماع ایدن مجلسک انتخاب دورهمی ایلک تشرین نایدن باشلار . تشرین نایدن اول واقع اولان اجتماع ، فوق الماده بر اجتماع عد اولنور .

ماده ۲۶ — بویوک ملت مجلسی احکام شرعیته تک تفسیری ، قوانینک وضعی ، تعدیلی ، تفسیری ، فسخ و الغاسی ، دولتله مقاله ، مهادده و صلح عقدی ، حرب اعلانی ، موازنه عمومی ماله و دولتک عموم حساب قطعی قانونلرنک تدقیق و تصدیق ، مسکوکات ضربی ، انحصار و مالی تهیدی متضمن مقاولات و امتیازاتک تصدیق و فسخی ، عمومی و خصوصی عفو اعلانی ، جزالک تخفیف و یا تحویلی ، تحقیقات و مجازات قانونیه تک تأحیلی ، محکمه لردن صادر اولوب قطیت کسب ایش اولان اعدام حکملرنک انفاذی کبی وظائفی بالذات کندی ایفا ایدر .

ماده ۲۷ — بر مبعوثک وطنه خیانت و مبعوثلی زماننده ارتکاب همترلندن بریله مهم اولدیغنه تورکیه بویوک ملت مجلسی هیئت عمومیسی اعضای موجودهنسک نلشان اکثریت آراسیله قرار ویریلیر و یا خود اون ایکنجی مادهده مندرج جرائمندن بریله محکوم اولور و محکومیتی قضیه محکمه حالی آلیسه مبعوثلق صفتی زائل اولور .

ماده ۲۸ — استعفا ، اسباب مشروعه دولایسیله محجوریت ، بلا مأذویت و معذرت ایکی آی مجلسه عدم دوام و یا خود ماموریت قبولی حاللرنده مبعوثلق خلیل اولور .

ماده ۲۹ — یوقاییده بی مادهل موجبجه مبعوثلق صفتی زائل و یا ساقط اولان و یا خود وفات ایدن مبعوثک برینه بر دیکری انتخاب اولنور .

ماده ۳۰ — بویوک ملت مجلسی ، کندی صابطه سنی رئیس معرفتیه تنظیم و اداره ایدر . اوچنجی فصل - وظیفه اجراییه

ماده ۳۱ — تورکیه رئیس جمهوری ، بویوک ملت مجلسی هیئت عمومیسی طرفندن و کندی اعضاسی میانندن بر انتخاب دورهمی ایچون انتخاب او اور . وظیفه ریاست یکی رئیس جهورک انتخابه قدر دوام ایدر . تکرار انتخاب اولمقی جائزدر .

ماده ۳۲ — رئیس جهور ، دولتک رئیسیدر . بوضفته مراسم مخصوصهده مجلسه ولزوم کوردجه اجرا و کیلاری هیئتنه ریاست ایدر . رئیس جهور ریاست جهور مقامنده بولوندجه مجلس مناقشات و مذاکراتنه اشتراک ایدهنر .

ماده ۳۳ — رئیس جهور خستهلق و مملکت خارجنده سیاحت کبی برسیله وظائفی ایفا ایدهنر و یا وفات ، استعفا و سائر سبب دولایسیله جهوریت ریاستی انحلال ایدرسه بویوک ملت مجلسی رئیس و کالته رئیس جهور وظائفی ایفا ایدر .

ماده ۳۴ — جهور ریاستک انحلالنده مجلس مجتمع ایسه یکی رئیس جهوری درحال انتخاب ایدر .

مجلس مجتمع دکسه رئیس طرفندن همان اجتماعه دعوت ایدیلرک رئیس جهور انتخاب ایدیلیر . مجلسک انتخاب دورهمی ختام بولوش و یا انتخاباتک تجدیدینه قرار ویرلش اولورسه رئیس جهوری کلهجک مجلس انتخاب ایدر .

ماده ۳۵ — رئیس جهور ، مجلس طرفندن قبول اولنان قانونلری اون کون طرفنده اعلان ایدر .

تشکیلات اساسیه قانونی ایله بودجه قانونلری مستثنای اولمقی اوزره اعلاتی موافق کورمیدیکی قانونلری بر دها مذاکره ایدلک اوزره اسباب موجبسیله برلکده کنذاون کون طرفنده مجلسه اعاده ایدر .

مجلس ، مذکور قانونی بو دفعهده قبول ایدرسه ، اونک اعلانی رئیس جهور ایچون مجبوریدر .

ماده ۳۶ — رئیس جهور ، هر سنه تشرین نایدنه حکومتک یکن سنه کی فعالیتنه و اوسته اتخاذ ایداسی مناسب کورولن تدبیرله دائر بر نطق ایراد ایدر و یا خود باش و کیله قرائت ایتدیرر .

ماده ۳۷ — رئیس جهور ، اجنبی دولتلرک زردینه تورک جهوریتک سیاسی ممثلرینی تعیین و اجنبی دولتلرک سیاسی ممثلرینی قبول ایدر .

ماده ۳۸ — رئیس جهور ، انتخابی عقبنده و مجلس حضورنده شوصورتله یین ایدر :

[رئیس جهور صفتیه جهوریتک قانونلرنه و حاکیت ملیه اساسلرنه رعایت و بونلری مدافعه ، تورک ملتک سعادتنه صادقانه و بوتون قوتله صرف مساعی ، تورک دولتنه توجه ایدهنر هر تهلکیدی کال شدتله منع ، تورکیه نک شان و شرفنی وقایه و اعلایه و درعهده ایتدیکم وظیفه تک ایجابانه حصر نفس ایتکدن آیریلیه جغمه (والله)]

ماده ۳۹ — رئیس جهورک اصدار ایدهنر

بالجمله مقررات باش و کیلی ایله و کیلی عاقدی طرفلرندن امضا اولنور .

ماده ۴۰ — باش قومادانلق تورکیه بویوک ملت مجلسک شخصیت معنویه سنده مندرج اولوب رئیس جهور طرفندن تمثیل اولنور . قوای حربیه نک امر و قومانداسی حصرده قانون مخصوصنه توفیقاً ارکان حریه عمومی ریاستنه و سفرده اجرا و کیلاری هیئتک انهایسی اوزرینه رئیس جهور طرفندن نصب ایدیلرک ذاته تودیع اولنور .

ماده ۴۱ — رئیس جهور خیانت و وطنه حالنده بویوک ملت مجلسنه قارشی مسئولدر . رئیس جهورک اصدار ایدهنر کی بالجله مقرراتدن متولد مسئولیت ۳۹ نجی ماده موجبجه مذکور مقرراتی امضا ایدن باش و کیلی ایله و کیلی عاقدینه راجعدر . رئیس جهورک خصوصات شخصیسنندن دولایی مسئولیتی لازم کلدکنده اشبو تشکیلات اساسیه قانونک مصونیت تشریویه تعلق ایدن ۱۷ نجی مادهسی موجبجه حرکت ایدیلیر .

ماده ۴۲ — رئیس جهور ، حکومتک انهایسی اوزرینه دائمی معلولیت و یا شیخوخت کبی شخصی سیلردن دولایی معین افرادک جزالرنی اسقاط و یا تخفیف ایدیه یلیر .

رئیس جهور ، بویوک ملت مجلسی طرفندن اتهام ایدیلرک محکوم اولان و کیلر حقنده بو صلاحیتی استعمال ایدهنر .

ماده ۴۳ — رئیس جهورک تخصیصاتی قانون مخصوص ایله تعیین اولنور .

ماده ۴۴ — باش و کیلی ، رئیس جهور جابندن و مجلس اعضاسی میانندن تعیین اولنور . سائر و کیلر باش و کیلی طرفندن ، مجلس اعضاسی آره سنندن انتخاب اولنورق هیئت عمومیسی رئیس جهورک تصدیقیله مجلسه عرض اولونور .

مجلس مجتمع دکسه عرض کیفیتی مجلسک اجتماعه تعلق اولونور .

حکومت ، خط حرکت و سیاسی نقطه نظرینی اعظمی بر هفته طرفنده مجلسه بیلدیرر و اعتماد طلب ایدر .

ماده ۴۵ — و کیلر باش و کیلک ریاستی آلتنده (اجرا و کیلاری هیئت) نی تشکیل ایدرله .

ماده ۴۶ — اجرا و کیلاری هیئت حکومتک عمومی سیاستندن مشترکاً مسئولدر . و کیلر دورهمی

ماده ۴۷ — و کیلرک وظیفه و مسئولیتلری قانون مخصوص ایله تعیین اولونور .

ماده ۴۸ — و کالترک عددی قانونله تعیین اولنور .

ماده ۴۹ — مأذون و یا خود هر هانکی برسیله معذور اولان بروکیله ، اجرا و کیلاری هیئت اعضاسندن بر دیکری موقتاً نیابت ایدر . آنجی بر و کیلی بروکالندن فضلهنه نیابت ایدهنر .

ماده ۵۰ — تورکیه بویوک ملت مجلسنه اجرا و کیلرندن برینک دیوان عالی به سوقتیه دائر ویربان قرار ، و کالندن سقوطنی دخی متضمندر .

ماده ۵۱ — اداری دعوی و اختلافلری رؤیت وحل ، حکومتجه احضار و تودیع اولنه جق

مجلس هیئت عمومیسی طرفندن و کیلرک وظیفه و اسباب مشروعه دولایسیله محجوریت ، بلا مأذویت و معذرت ایکی آی مجلسه عدم دوام و یا خود ماموریت قبولی حاللرنده مبعوثلق خلیل اولور .

قانون لایحه‌ری و امتیاز مقاله و شرطنامه‌ری
 اوزرینه بیان مطالعه، کړک کندی قانون مخصوصی
 وکړک قوانین ساثره ایله معین وظائفي ایضا ایتمک
 اوزره بر شورای دولت ~~تصویب~~ ~~تصویب~~
 شورای دولتک رؤسا و اعضای وظائف مهمه ده
 بولمنش علم، اختصاص و تجربه‌ری ایله متمیزذوات
 میاندن بویوک ملت مجلسنجه انتخاب اولنور .
 ماده ۵۲ — اجرا وکیلری هیئت قانونلرک
 صور تطبیقه‌سی ارانه و یا خود قانونک امر
 ایتمدی خصوصاتی تثبیت ایچون احکام جدیدی
 محتوی اولماق و شورای دولتک نظر تدقیقندن
 کپیرک شرطیله نظامنامه‌ل تدوین ایدر .
 نظامنامه‌ل، رئیس جمهورک امضا و اعلانیله
 معمول به اولور .
 نظامنامه‌لرک قوانینه منافی ادعا اولوندقه
 لونک مرجع حلی تورکیه بویوک ملت مجلسیدر .
 دردیجی فصل — قوه قضائیه
 ماده ۵۳ — محکمه‌لرک تشکیلاتی، وظیفه و
 صلاحیتلری قانونله معیندر .
 ماده ۵۴ — حاکم‌لرک بالجله دعوالرک محاکمه
 سنده و حکمنده مستقل و هر درلو مداخلندن
 آزاده اولوب آنجق قانونک حکمنه تابعدرلر .
 محکمه‌لرک مقرراتی تورکیه بویوک ملت
 مجلسی و اجرا وکیلری هیئت هیچ بر وجهه
 تبدیل و تغییر و تأخیر و انفاذ احکامنه ممانعت
 ایده‌مز .
 ماده ۵۵ — حاکم‌لر، قانوناً معین اولان
 اصول و احوال خارچنده عزل اولونه‌مازلر .
 ماده ۵۶ — حاکم‌لرک اوصافی، حقوق، وظائفي
 معاش و مخصصاتلری و صورت نصب و عزللری
 قانون مخصوص ایله تعیین اولونور .
 ماده ۵۷ — حاکم‌لر قانوناً معین وظائفندن
 باشقه عمومی و خصوصی هیچ بر وظیفه درعهده
 ایده‌مزلر .
 ماده ۵۸ — محکمه‌لرک محاکمات علنیدر .
 یالکیز اصول محاکمات قانونی موجبجه بر
 محاکمه‌لرک خفياً جریانله محکمه قرار ویره‌بیلیر .
 ماده ۵۹ — هرکس، محکمه حضورنده
 حقوقی مدافه ایچون لزوم کوردیکی مشروع
 وسائلی استعمالده سربستر .
 ماده ۶۰ — هیچ بر محکمه، وظیفه و
 صلاحیتی داخلنده اولان دعوالری رؤیتندن امتناع
 ایده‌مز . وظیفه و صلاحیت خارچنده اولان دعوالر
 آنجق بر قرار ایله رد اولنور .
 ماده ۶۱ — وظیفه‌لرندن منحصراً
 اجرا وکیلریله شورای دولت و محکمه‌لرک
 رؤسا و اعضای و باش مدعی عمومی محاکمه
 ایتمک اوزره بر (دیوان عالی) تشکیل ایلیلیر .
 ماده ۶۲ — دیوان عالی اعضالری ایچون
 اون بری محکمه‌لرک تمیز، اونی شورای دولت رؤسا
 و اعضای میاندن و کندی هیئت عمومی‌لری
 طرفندن لایق‌الاقتضا رأی‌خفی ایله یکریمی بر ذات
 انتخاب اولونور .
 بودوات رأی‌خفی و اکثریت مطلقه ایله

ایچلرندن برینی رئیس و برینی رئیس وکیل انتخاب
 ایدرلر .
 ماده ۶۳ — دیوان عالی بر رئیس و اون
 درت اعضا ایله تشکیل و اکثریت مطلقه ایله قرار
 اتخاذ ایدر .
 متباقی آتی ذات لایحه‌لرک هیئتک تقصاتی
 اکیال ایچون احتیاط اعضا وضعینده درلر .
 اشبو احتیاط اعضا اوچی محکمه‌لرک تمیز،
 اوچی شورای دولتندن منتخب اعضا آره‌سندن
 اولوق اوزره قرعه ایله تفریق اولونورلر .
 رئیس‌لرک و رئیس وکیلرک انتخاب اولونانلر،
 بوقرعه‌یه داخل اولمازلر .
 ماده ۶۴ — دیوان عالی‌لرک مدعی عمومی‌لرک
 باش مدعی عمومی‌لرک طرفندن ایضا اولونور .
 ماده ۶۵ — دیوان عالی‌لرک قرارلری
 قطعیدر .
 ماده ۶۶ — دیوان عالی موضوع قانونلر
 توفیقاً محاکمه اجرا و حکم اعطا ایدر .
 ماده ۶۷ — دیوان عالی کوریلن لزوم
 اوزرینه تورکیه بویوک ملت مجلسی قرار ایله تشکیل
 اولونور .
 بشنجی فصل — تورک‌لرک حقوق عامه‌سی
 ماده ۶۸ — هر تورک حر و غار، حر یا شار.
 حریت، باشقه‌سنه مضر اولمایه‌جق هر درلو
 تصرفایده بولنقدر .
 حقوق طبیعی‌دن اولان حریتک هرکس
 ایچون حدودی باشقه‌لرینک حدود حریتیدر .
 بوحدود آنجق قانون معرفتیه تثبیت و تعیین ایلیلیر .
 ماده ۶۹ — تورک‌لر قانون نظرنده مساوی
 و بلااستثنا قانونه رعایتله مکلفدرلر. هر درلو زمره،
 صنف، عائله و فرد امتیازلری ملغا و ممنوعدر .
 ماده ۷۰ — شخصی مصونیت، وجدان،
 تفکر، کلام، نشر، سیاحت، عقد، سعی و عمل،
 تملک و تصرف، اجتماع، جمعیت، شرکت حق
 و حریتلری تورک‌لرک طبیعی حقوقنددر .
 ماده ۷۱ — جان، مال، عرض، مسکن
 هر درلو تعرضندن مصوندر .
 ماده ۷۲ — قانوناً معین اولان احوال و
 اشکالندن باشقه بر صورتله هیچ بر کیسه در دست
 و توقیف ایده‌مز .
 ماده ۷۳ — اشکنجه، اذیت، مصادره و
 آغاریا ممنوعدر .
 ماده ۷۴ — منافع عمومی ایچون لزومی
 اصولاً تحقق ایتمه‌دیکه و قانون مخصوص موجبجه
 دکر بهاسی بشین ویرلمدیکه هیچ بر کیسه‌لرک مالی
 استموال و ملکی استملاک اولونه‌ماز .
 فوق‌العاده احوالده قانون موجبجه تکمیل اولنه‌جق
 نقدی، عینی و سعی و عمله متمباق مکافیتلر مستثنا
 اولوق اوزره هیچ بر کیسه هیچ بر فردا کارلر
 اجبار ایده‌مز .
 ماده ۷۵ — هیچ بر کیسه منسوب اولدیغی
 دین، مذهب، طریقت و فلسفی اجتهادندن دولانی
 مؤاخذه ایده‌مز . آسایش، آداب معاشرت
 عمومی و قوانینه منافی اولماق اوزره هر درلو
 آیینلر سربستدر .

ماده ۷۶ — قانون ایله معین اولان اصول
 و احوال خارچنده کیسه‌لرک مسکننه کیریله‌مز
 و اوزری تجری ایده‌مز .
 ماده ۷۷ — مطبوعات، قانون دائره‌سند
 سربستدر و نشر ایده‌دن اول تقییش و معاینه
 تابع دکدر .
 ماده ۷۸ — سفر برلرکده اداره عریفه
 حالنده و یا خود مستولی امراضدن دولانی قانوناً
 متخذ تدابیر ایجابندن اوله‌رق وضع ایده‌جک
 تقییدات مستثنا اولوق اوزره سیاحت هیچ بر
 صورتله تقییداته تابع طویلاماز .
 ماده ۷۹ — عقود، سعی و عملک،
 تملک و تصرفک، اجتماعاتک، جمعیتلرک و شرکتلرک
 حدود حریتی قانونلر ایله مصرحدر .
 ماده ۸۰ — حکومتک نظارت و مراقبه‌سی
 آکننده و قانون دائره‌سند هر درلو تدریسات
 سربستدر .
 ماد ۸۱ — پوستلر و یریلن اوراق،
 مکتوبلر و هر نوع امانت‌لر صلاحیتدار مستنطق و محکمه
 قراری اولماقجه آچیلماز و تلغراف و تافون
 ایله واقع اولان مخبراتک حریمیته اخلال اولونه‌ماز .
 ماده ۸۲ — تورک‌لر، کړک شخصلرینه
 کړک عامه‌یه متعلق اوله‌رق قوانین و نظامات مخالف
 کوردکاری خصوصاً مرجه‌نه و تورکیه بویوک
 ملت مجلسنه منفرداً و یا مجتمعاً اخبار و شکایتده
 بولونه‌بیلیرلر . شخصی عائد اوله‌رق وقوع بولان
 مراجعتک نتیجه‌سی مستدعی‌یه تحریراً تبلیغ اولونمق
 مجبوریدر .
 ماده ۸۳ — هیچ کیسه قانوناً تابع
 اولدیغی محکمه‌دن باشقه بر محکمه‌یه جلب و سوق
 اولونه‌ماز .
 ماده ۸۴ — ویرکی، دولتک عمومی مصارفنه
 خلقک اشتراکی دیمکدر .
 بو اساسه منافی اوله‌رق حقیقی و یا حکمی
 شخصلر طرفندن و یا اولر نامنه رسوم، اعشار
 و سایر تکالیف آکنسی ممنوعدر .
 ماده ۸۵ — ویرکیلر، آنجاق بر قانون
 ایله طرح و جبات اولنه‌بیلیر .
 دولت، ولایت اداره خصوصیه‌لری و بلدیله‌لرجه
 تماماً جبات ایلمکده اولان رسوم و تکالیفک
 قانونلری تنظیم ایده‌لرجه قدر کاکان جباتیه دوام
 اولونه‌بیلیر .
 ماده ۸۶ — حرب حالنده و یا حربی ایجاب
 ایتمه‌رک بروضیت حدوشنده و یا عیسان ظهورنده
 و یا خود وطن و جمهوریت علینده قوتلی و فعلی
 تشبثات و قوه‌نی مؤید قطعی امارات کوردلرکده
 اجرا وکیلری هیئت مدتی برآبی تجاوز ایتمک
 اوزره عمومی و یا موضعی اداره عریفه اعلان
 ایده‌بیلیر و کیفیت هان مجلسک تصدیقنه عرض اولنور .
 مجلس، اداره عریفه مدتی عندالایجاب ترییدو یا
 تنقیص ایده‌بیلیر . مجلس مجتمع دکلسه درحال
 اجتماعه دعوت اولنور .
 اداره عریفه‌لرک فضلہ تمادیمی مجلسک قرارینه
 متوقفدر . اداره عریفه، شخصی و اقامتک

مصونیتلرینک ، مطبوعات ، مراسلات ، جمعیت ، شرکت حریتلرینک موقتاً تقیید و یا تعلیق دیکدر .
اداره عرفیه منطقه سیله بو منطقه داخلنده تطبیق اولونه حق احکام و معاملات صورت اجرایی و حرب حاننده دخی مصونیت و حریتلرک طرز تقیید و تعلیق قانونه تنبیت اولونور .

ماده ۸۷ — ابتدائی تحصیل بوتون تورکک ایچون مجبوری و دولت مکتبلرنده مجایدر .
ماده ۸۸ — تورکیه اهالیسنه دین و عرق فرقی اولمقزین وطنداشلق اعتباریله (تورک) اطلاق اولنور .

تورکیه ده و یا خارجه بر تورک بابانک صلیبندن ^{۱۱} تورکیه ده دوغوبده مملکت داخلنده اقامت و سن رشده وصولنده رسماً تورککی اختیار ایدن و یا خود وطنداشلق قانونی موجبجه تورککه قبول اولونان هرکس تورکدر . تورکک صفتی قانوناً معین اولان احواله اضاعه ایدیلر .
آلتنجی فصل — مواد متفرقه

لایات

ماده ۸۹ — تورکیه جغرافی و وضعیت و اقتصادی مناسبت نقطه نظرندن ولایتلره ، ولایت قضاالره ، قضاالرا ناحیه لره منقسمدر و ناحیه لرده قصبه و کویلردن ترکب ایدر .

ماده ۹۰ — ولایتلره شهر ، قصبه و کویلر حکمی شخصیتی حائزدر .

ماده ۹۱ — ولایتلر اموری توسیع مآذونیت و تفریق وظائف اساسی اوزرینه اداره اولنور .

مأمورین

ماده ۹۲ — حقوق سیاسییه حائز هر تورک اهلیت و استحقاقنه کوره دولت مأموریتلرنده استخدام اولنق حقی حائزدر .

ماده ۹۳ — بالعموم مأمورلرک اوصافی ، حقوق ، وظائفی ، معاش و مخصوصاتی و صورت نصب و عزللاری و ترفیع و ترقیلری قانون مخصوص ایله معیندر .

ماده ۹۴ — قانونه مخالف اولان امورده آمره اطاعت مأموری مسئولیتدن قورناراماز .

امور مالیه

ماده ۹۵ — موازنه عمومیه قانونی متعلق اولدیی سنه مالیه نك دخولنده موقع اجراه قونوله بیلمک ایچون لایحه سی و مربوطی بودجه لر و جدوللر نهایت تشریح ناینک ابتداسنده مجلسه تقدیم اولنور .

ماده ۹۶ — دولت اموالندن موازنه خارچنده صرفیات جائز دیکدر .

ماده ۹۷ — موازنه عمومیه قانوننک حکمی برسنه یه مخصوصدر .

ماده ۹۸ — حساب قطعی قانونی متعلق اولدیی سنه بودجه سنک دوره حسابیه سی طرفنده استحصال اولونان واردات ایله یه او سنه وقوع بولان تأدیاتک حقیقی مقدارینی مبین قانوندر . بونک شکل و تقسیماتی موازنه عمومیه قانونه تمایله متناظر اوله قیدر .

ماده ۹۹ — حساب قطعی قانوننک لایحه سی متعلق اولدیی سنه نك سوکنندن اعتباراً نهایت ایکنجی سنه نك تشریح ناینسک ابتداسنه قدر بویوک ملت مجلسنه تقدیم اولونق مجبوریدر .
تشکیلات اساسیه قانونه عائد ضوابط

ماده ۱۰۰ — بویوک ملت مجلسنه مربوط و دولتک واردات و مصارفاتی قانون مخصوصنه توفیقاً مراقبه ایله مکلف بر دیوان محاسبات مؤسسدر .

ماده ۱۰۱ — دیوان محاسبات عمومی مطابقت بیاننامه سی متعلق ایندیکی حساب قطعی قانوننک مالیه جه بویوک ملت مجلسنه تقدیمی تاریخندن اعتباراً نهایت آئی آئی طرفنده مجلسه تقدیم ایدر .

ماده ۱۰۲ — اشبو تشکیلات اساسیه قانوننک تعدیلی آشاغیده کی شرایطه تابعدر : تعدیل تکلیفی مجلس اعضای مرتبه سنک لاقول بر نئی طرفندن امضا اولنق شرطدر . تعدیلات آنجق عدد مرتبک نئلمان اکثریت آراسیله قبول اولونه ییلور .
اشبو قانونک شکل دولتک جمهوریت اولدیغنه دائر اولان برنجی ماده سنک تعدیل و تغییری هیچ بر صورتله تکلیف دخی ایدیله مز .

ماده ۱۰۳ — تشکیلات اساسیه قانوننک هیچ بر ماده سی ، هیچ رسب و بهانه ایله اهل و یا تعطیل اولونه ماز .

هیچ بر قانون تشکیلات اساسیه قانونه منافی اوله ماز .

ماده ۱۰۴ — ۲۹۳ تاریخلی قانون اساسی ایله مواد معدله سی و ۲۰ کانون ثانی ۱۳۳۷ تاریخلی تشکیلات اساسیه قانونی و مذبلات و تعدیلاتی ملغادر .

ماده ۱۰۵ — بوقانون تاریخ نشرندن اعتباراً رسمی الاجرادر .

موقت ماده — تورکیه بویوک ملت مجلسنه انتخاب ایدیلان و ایدیله جک اولان بالعموم منسوبین عسکریه نك تابع اوله جقلری شرایط حقیقه کی ۱۹ کانون اول ۱۳۲۹ تاریخلی قانون احکامی باقیدر .

۱۶ رمضان ۱۳۴۲ و ۲۰ نیشان ۱۳۴۰

نوروسی : ۴۹۲

اصول محاکمه حقوقیه و اصول محاکمات

جزایه قانونلریله صلح و اجرا

قانونلرینک بعضی موادی

معدل قانون

ماده ۱ — دعاوی صلح نك رؤیتنده صلح حاکلری قانونی ایله اشبو قانون احکامی و سایر بالجله دعاوی نك رؤیتنده اصول محاکمات حقوقیه و جزاییه قانونلریله کذاک اشبو قانون احکامی تطبیق اولنور .

ماده ۲ — طرفین محاکمه به شروعندن مقدم و یا خود آئنی سرافعه ده اقدجه احضار و اجراسی ید اختیارلرنده بولنان اسبابدن دولایی محاکمه نك تعلیقی طلب ایده مزلر . مهلت طابنه اساس اولان

سبیک بر عذر صحیحه مبتنی اولدیغنه محکمه جه قناعت ایدلدیکی تقدیرده آنجق بردفیه به مخصوص اولاق اوزره مناسب بر مدله محاکمه نك وقت آخره تعلیق جائزدر .

ماده ۳ — فن و اختصاصه تعلق ایدن موادک ارباب فن و وقوف تقریر و راپورلریله تحقق ایندیلسی مقتضیدر . تقریر و راپور ماللری قناعت بخش اولدیغی تقدیرده کیفیت ، دیگر بر هیئت متخصصه به حواله قنور .

ماده ۴ — نائب حضورنده ایفاسی تقریر ایدن خصوصاً عده دعوت اولنان کیمسه بوم معینده حاضر بولناز و معذرتی مبین و نائقی نائبه کوندر مزسه بوم محاکمه ده حاضر بولسه دخی دیگر طرفک طلبیه حقیقه معامله غیاییه ایفا اولنور .

ماده ۵ — ختام محاکمه نك تفهیمندن سوکره قرارک تفهیمی ایچون تعیین اولنان کونده حاضر بولمیان طرف حقیقه دخی تفهیم ایدیلن قرار وجاهی عد اولنور .

ماده ۶ — بر دعوانک وظیفه و صلاحیت داخلنده اولادیغنه متعلق مقررات ، دعوا عرضحالک حکمزلکنی مستلزم اولماوب دعوانک عائد اولدیغی محکمه یه حواله سی ایجاب ایدر . فقط بو تقدیرده اقتضاسنه کوره اولجه استیفا ایدیلن و یا نقصان آلتان خرج اعلام ایفاوا کمال ایندیریلیر .

ماده ۷ — ۲۰ جازدی الاخر ۱۲۹۶ تاریخندن مقدم صادر اولوب سجدله مقید اولمیان اعلامات و وثائق شرعیه نك بلاینه مضمونیه عمل اولنه ماز .

ماده ۸ — محکمه اصلیه رئیس و اعضا و اعضا ملازملریله مدعی عمومی و معاون و مستنطقک و یا صلح حاکمک و صفت حاکمیتی حائز اجرا رئیس و باش معاوننک هر نه صفتله اولورسه اولسون ایقاع ایلدکلری بالعموم جرملردن دولایی حقلرنده تحقیقات اجرایی اک یقین محل محکمه اصلیه سنه و محاکمه لرده دائره قضاییه سی داخلنده بولندقلری مواد جنایییه رؤیته مأمور محاکمک رئیس و اعضا و اعضا ملازملریله مدعی عمومی و معاونلرینک هر نه صفتله اولورسه اولسون ایقاع ایلدکلری بالعموم جرملردن دولایی حقلرنده تحقیقات استنطاقیه اجرایی مواد جنایییه رؤیته مأمور اک یقین محکمه به و محاکمه لرده محکمه تمیزه عائددر .

صلح حاکلری قانونه متدائر تعدیلات

ماده ۹ — صلح حاکلری قانون موقت نك ۲۷ تشریح ثانی ۳۳۶ و ۳ تشریح ثانی ۳۳۷ تاریخلی اوچنجی و دردیجی مواد معدله سی مقامنه ماده آتیه اقامه اولمشدر :

صلح حاکلری علی الاطلاق رأس المال و یا قیمتی بکری بیک غروش اولان دین و عین منقول دعوالریله حق مسیل و حق مرور دعوالری رؤیت ایدر .

صلح حاکمی ماهیت و قیمتی نظر اعتباره آلتیه برق بالجله دعاوی متقابلیه دخی رؤیت ایدر . مدعی نك شخص واحد ذمتنده جهات

İÇİNDEKİLER

Kânunlar.....	1
489 Mersin Limanının İnşâsı Hakkında Kânun.....	1
490 Müvazene-i Umûmiyye Kânûnu Sûreti.....	1
491 Teşkilât-ı Esâsiye Kânûnu.....	4
492 Usûl-ı Muhâkeme-i Hukûkiyye ve Usûl-i Muhâkemât- Cezaiyye Kânûnlarıyla Sulh ve İcra Kânûnlarının Ba'zı Mevaddını Muaddil Kânûn.....	7
493 İstanbul Dâr'ul-fünûnunun Şahsiyeti Hükmiyyesi Hakkında Kânun.....	10
494 Türkiye Cumhûriyeti ile Avusturya Cumhûriyeti Arasında Mün'akid 28 Kânûn-ı Sâni 1924 (1340) Târihli Muhâdenet Muâhedenâmesi Hakkında Kânun.....	11
495 Türkiye Cumhûriyeti ile Avusturya Cumhûriyeti Arasında Mün'akid 28 Kânûn-ı Sâni 1924 (1340) Târihli İkâmet Mukâvelenâmesi Hakkında Kânun.....	11
496 Türkiye Cumhûriyeti ile Avusturya Cumhûriyeti Arasında Mün'akid 28 Kânûn-ı Sâni 1924 (1340) Târihli Ticâret Mukâvelenâmesi Hakkında Kânun.....	11
497 11 Kânûn-ı Sâni 1339 Târihli İ'şâr Kânûna Müzeyyel Kânûn.....	11
498 İ'tibârî Zirâ'i Birliđi Kânûnu.....	11
499 Zirâ'at Bankası Matlûbât-ı Atıkasının Sûret-i Takdisine Dâir Kânûn.....	12
501 9 Nisan 1340 Senesi Orman-ı İntifa' Kânûnunun Altıncı Maddesinin Ta'dîline Dâir Kânûn.....	13
502 1340 Senesi Evkâf Bütçe Kânûnu.....	13
503 Mükellefiyyet-i Nakliyye-i Askeriyye Kânûna Müzeyyel Kânûn.....	13
504 Türkiye'de Mevcut Bi'l-umûm Ormanların Fey Usul İdâre ve İşletilmeleri Hakkında Kânun.....	13
505 Keller-Gâziantep Yolunun Turûk-i Umûmiyye Meyânına İdhâline Dâir Kânûn.....	14
506 Anadolu Demiryollarının Mübâyı'asına Müdiriyyet-i Umûmiyyesinin Teşkilât ve Vezâifine Dâir Kânûn.....	14
507 Anadolu Demiryolları Mebâni ve Müessesâtının Esâsil-i Sûretinde Ta'mîr ve Islâhı İçin Muktezi Tahsîsâtın İ'tâsına Dâir Kânûn.....	14